



REPUBLIKA E SHQIPËRISË
KËSHILLI I LARTË GJYQËSOR

Nr. _____ Prot.

Tiranë, më _____.____.2023

PROCESVERBAL I MBLEDHJES SË KËSHILLIT TË LARTË GJYQËSOR

(Mbledhje e realizuar me video konferencë)

(Mbajtur, më 14.04.2023)

Drejton mbledhjen Zëvendëskryetari i Këshillit të Lartë Gjyqësor, zoti Ilir Rusi.

Mbledhja u zhvillua në ambientet e Këshillit të Lartë Gjyqësor. Filloi në orën 14:08 dhe mbaroi në orën 14:18.

Në mbledhje ishin të pranishëm:

- | | |
|---------------------------|--------------------------|
| <i>1. Ilir Rusi</i> | <i>(zëvendëskryetar)</i> |
| <i>2. Klodian Kurushi</i> | <i>(anëtar)</i> |
| <i>3. Fatmira Luli</i> | <i>(anëtare)</i> |
| <i>4. Irena Plaku</i> | <i>(anëtare)</i> |
| <i>5. Dritan Hallunaj</i> | <i>(anëtar)</i> |
| <i>6. Ridvan Hado</i> | <i>(anëtar)</i> |
| <i>7. Alban Toro</i> | <i>(anëtar)</i> |
| <i>8. Marçela Shehu</i> | <i>(anëtare)</i> |
| <i>9. Brikena Ukperaj</i> | <i>(anëtare)</i> |
| <i>10. Yllka Rupa</i> | <i>(anëtare)</i> |

Shënim: Nuk mori pjesë në mbledhje Kryetarja e Këshillit të Lartë Gjyqësor, znj. Naureda Llagami.

Merrnin pjesë gjithashtu nëpërmjet platformës:

1. Blerta Ngucaj, Drejtore e Departamentit të Shërbimeve Juridike dhe Marrëdhënive me Jashtë.

2. Denisa Varfi, përfaqësuese e Ministrisë së Drejtësisë.

3. Staf administrativ i KLGJ-së, Media KLGJ.

4. Edmond Hoxhaj (Birn).

RENDI I DITËS:

1. Shqyrtimi i projektvendimit “Për caktimin me short të relatorit të procedimit disiplinor nr. 3/2023, të filluar ndaj magjistratëve z. {...} dhe z. {...}, me funksion gjyqtarë pranë Gjykatës së Rrethit Gjyqësor {...}”, i përgatitur nga Komisioni Disiplinor (relatore znj. Marçela Shehu).

Mbledhja plenare e datës 14.04.2023, ora 14:00 ka si objekt shqyrtimin e projektvendimit “Për caktimin me short të relatorit të procedimit disiplinor nr. 3/2023, të filluar ndaj magjistratëve z. {...} dhe z. {...}, me funksion gjyqtarë pranë Gjykatës së Rrethit Gjyqësor Elbasan”, për të cilin është përgatitur relacioni nga Komisioni Disiplinor. Fjala për më tej i jepet relatores znj. Shehu.

Marçela Shehu: Faleminderit!

Komisioni Disiplinor i ka paraqitur për shqyrtim mbledhjes plenare projektvendimin “Për caktimin me short të relatorit të procedimit disiplinor nr. 3/2023, të filluar ndaj magjistratëve z. {...} dhe z. {...}, me funksion gjyqtarë pranë Gjykatës së Rrethit Gjyqësor {...}”, duke parashtruar relacionin si më poshtë.

Më datë 11.04.2023, pranë Këshillit të Lartë Gjyqësor, është depozituar me shkresën nr. {...} prot., datë 06.04.2023 kërkesa e Inspektorit të Lartë të Drejtësisë për fillimin e procedimit disiplinor ndaj magjistratëve z. {...} dhe z. {...}, me funksion gjyqtarë në Gjykatën e Rrethit Gjyqësor Elbasan.

Kërkesa për fillimin e procedimit disiplinor mbështetet në nenin 194 të ligjit nr. 115/2016, "Për organet e qeverisjes së sistemit të drejtësisë", të ndryshuar, dhe në nenin 138 të ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, të ndryshuar, për shkeljet disiplinore të parashikuara nga neni 102, pika 1, shkronja “d” i ligjit nr. 96/2016.

Në kërkesën për fillimin e procedimit disiplinor, Inspektori i Lartë i Drejtësisë ka paraqitur propozimin për caktimin e masës disiplinore konkretisht:

1. Ndaj magjistratit z. {...} “Për ulje të përkohshme të pagës” i) deri në 40 për qind për një periudhë jo më të gjatë se një vit, të parashikuar nga neni 108 i ligjit nr. 96/2016.

2. Ndaj magjistratit z. {...} “Vërejtje publike” të parashikuar nga neni 107 i ligjit nr. 96/2016.

Në kushtet kur kërkesa e Inspektorit të Lartë të Drejtësisë për fillimin e procedimit disiplinor, inicion një procedurë individuale administrative në Këshill, e cila ka lidhje me statusin profesional të magjistratëve z. {...} dhe z. {...}, në referim të nenit 63 të ligjit nr. 115/2016, të ndryshuar, nga ana e Këshillit duhet të procedohet me hedhjen e shortit për caktimin e relatorit.

Lidhur me procedurën e shortit, Komisioni Disiplinor propozon që në short të përfshihen tre anëtarët e përhershëm të tij: znj. Shehu, z. Hado dhe z. Rusi, në referim të nenit 16 të Vendimit nr. 316 datë 14.09.2020 të Këshillit Për miratimin e Rregullores për Procedurat Disiplinore në Këshillin e Lartë Gjyqësor ku përcaktohet se: “Në çdo rast, në procedurën e shortit për caktimin e relatorit të çështjes, nuk mund të marrin pjesë më pak se tre anëtarë”.

Menjëherë pas caktimit me short të relatorit, nga Këshilli duhet të procedohet me caktimin e mbledhjes plenare të radhës, në të cilën Këshilli, mbi relacionin e përgatitur nga relatori, mund të vendosë mbylljen e procedimit disiplinor pa zhvilluar seancë dëgjimore, sipas nenit 139 të ligjit “Për statusin”, të ndryshuar, ose caktimin e datës së seancës dëgjimore sipas nenit 138/2 të këtij ligji.

Nga sa u parashtrua, bazuar në nenin 63 të ligjit nr. 115/2016 “Për organet e qeverisjes së sistemit të drejtësisë”, në nenin 138 e vijues të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, të ndryshuar, dhe në nenin 16 të Rregullores “Për procedurat disiplinore në Këshillin e Lartë Gjyqësor”, Komisioni Disiplinor i propozon mbledhjes plenare, zhvillimin e procedurës për caktimin me short të relatorit të procedimit disiplinor nr. 03/2023, të filluar ndaj magjistratëve z. {...} dhe z. {...}, me funksion gjyqtarë pranë Gjykatës së Rrethit Gjyqësor Elbasan.

Faleminderit!

Ilir Rusi: Faleminderit zonja Shehu!

Ftoj administratën për hedhjen e shortit.

Pas sistemimi të një defekti teknik të audios, fillon procedura e shortit si vijon:

Futen në enën e qelqit shiritat e letrës me emrat e relatorëve: znj. Marçela Shehu, z. Ridvan Hado dhe z. Ilir Rusi.

Procedura e përzgjedhjes:

Relatori i përzgjedhur për procedimin disiplinor nr. 3/2023 është z. Ridvan Hado.

Ilir Rusi: Falënderoj administratën për organizimin dhe hedhjen e shortit.

Sipas shortit relator është zoti Ridvan Hado.

Ftoj anëtarët e Këshillit të Lartë Gjyqësor në lidhje me miratimin e projektvendimit përkatës pas hedhjes së shortit.

Irena Plaku: Pro.

Dritan Hallunaj: Pro.

Ridvan Hado: Dakord.

Alban Toro: Dakord.

Fatmira Luli: Dakord.

Marçela Shehu: Dakord.

Yllka Rupa: Pro.

Brikena Ukperaj: Pro.

Ilir Rusi: Dakord.

Klodian Kurushi: Dakord.

Ilir Rusi: Dakord. (ripërsëritet vota)

Vendim, Këshilli i Lartë Gjyqësor, mbështetur në bazën ligjore përkatëse, vendosi:

1. Caktimin e anëtarit të Komisionit Disiplinor, z. Ridvan Hado në cilësinë e relatorit të procedimit disiplinor nr. 3/2023, të filluar nga Inspektori i Lartë i Drejtësisë ndaj magjistratëve z. {...} dhe z. {...}, me funksion gjyqtarë pranë Gjykatës së Rrethit Gjyqësor {...}.

2. Një kopje e këtij vendimi t'i njoftohet Inspektorit të Lartë të Drejtësisë dhe magjistratëve z. {...} dhe z. {...}, sipas kërkesave të nenit 98 të ligjit nr. 115/2016, "Për organet e qeverisjes së sistemit të drejtësisë", i ndryshuar, brenda 5 ditëve nga shpallja e tij.

Ky vendim hyn në fuqi menjëherë dhe botohet në faqen zyrtare të internetit të Këshillit të Lartë Gjyqësor, pasi të redaktohet për sigurimin e anonimatit të subjekteve.

Ilir Rusi: Rendi i ditës i përcaktuar për sot është i ezauruar.

* * *

(Mbledhja deklarohet e mbyllur)

Për Këshillin e Lartë Gjyqësor